



Eleisaun Prezidensiál 2022

Nota Suplementár

Manuál ba Sekretáriu Estasaun Votasaun Vota iha Sentru Votasaun Paralelu



Emite husi Sekretariadu Tékniku
ba Administrasaun Eleitoral (STAE)

Fevereiru 2022

Implementadu husi:



Finansiadu husi:



From
the People of Japan

Parte 1 - Introdusaun no vizaun jerál

1.1 Ba eleisaun prezidensiál 2022, sei fornese facilidade atu vota iha “Sentru Votasaun Paralelu” tolu iha Dili. Votante balun ne’ebé bainbain tenke halo viajen husi Dili hodi vota, sei bele vota iha “sentru Votasaun Paralelu” espesífiku ida. Hodi bele vota iha ne’e, sira tenke rejista ho STAE hodi uza servisu ne’e.

1.2 Sei iha Sentru Votasaun Paralelu tolu:

- ida ba votante hirak ne’ebé rejista iha munisípiu Lautem, Baucau no Viqueque;
- ida ba votante hirak ne’ebé rejista iha munisípiu Manatuto, Liquiça, Aileu, Ermera no Atauro; no
- ida ba votante hirak ne’ebé rejista iha munisípiu Ainaro, Bobonaro, Covalima, Manufahi no Rejiaun Administrativa Espesiál Oe-Cusse Ambeno.

Parte 2 - Diferensa entre votasaun iha Sentru votasaun normal no votasaun iha Sentru votasaun Paralelu

2.1 Em jerál, votasaun no kontajen iha Sentru Votasaun Paralelu sei hala’o hanesan ho Sentru votasaun normal, tuir deskrisaun ne’ebé halo iha Manuál ba Prezidente Sentru Votasaun no Manuál ba Sekretáriu Estasaun Votasaun. Maibé sei iha diferensa hirak tuir mai.

- STAE sei fó lista ida ba Sentru Votasaun Paralelu ho naran ema hotu-hotu ne’ebé elejivel atu vota iha ne’ebá, lista ne’e sei troka lista votante ne’ebé sei uza iha Sentru Votasaun normal.
- Ema ne’ebé vota iha Sentru Votasaun Paralelu tenke hatudu sira nia kartaun eleitoral: sira sei laiha opsaun atu hatudu deit sira nia pasaporte Timor ka Billete Identidade Timor hanesan bele halo iha Sentru Votasaun normal.
- Ofisiál Identifikasaun tenke invalida kartaun eleitór liuhosi halo kuak, uza perfurador ne’ebé STAE fornese.
- Votante ne’ebé naran la mosu iha lista ne’ebé STAE fó sei labele vota iha Sentru Votasaun Paralelu, maske nia kartaun eleitoral hatudu katak nia hela fatin iha munisípiu ne’ebé inklui iha Sentru votasaun Paralelu ne’e nia área.
- Iha Sentru votasaun normal, membru forsa defeza , membru forsa seguransa, fiscais, funsionáriu públiku no ajente sira administrasaun públika (inklui pesoál eleitoral) sira ne’ebé fó apoiu ba administrasaun eleitoral; observadór sira no monitor sira; profesionál mídia ne’ebé halo kobertura eleisaun nian; pesoál lokál husi misaun diplomátika (ne’ebé fó apoiu ba diplomata estranjeiru ne’ebé halo observaun ba prosesu eleitoral). Ema hirak ne’e iha mós oportunidade atu vota iha Sentru Votasaun Paralelu, tuir prosedimentu hanesan iha Sentru votasaun normal.